



Torah écrite (pentateuque) - Nombres

Chapter 33

- 33,1 אלה מסעי בני-ישראל, אשר יצאו מארץ מצרים--לצבאתם: ביד-משה, ואהרן.
 33,2 ויכתב משה את-מוצאייהם, למסעיהם--על-פי יהוה; ואלה מסעיהם, למוצאייהם.
 33,3 ויסעו מרעמסס בחדש הראשון, בחמשה עשר יום לחדש הראשון: ממעברת הפסח, ויצאו בני-ישראל ביד רמה--לעיני, כל-מצרים.
 33,4 ומצרים מקברים, את אשר הזה יהוה בהם--כל-בכור; ויבאלהיהם, עשה יהוה שפטים.
 33,5 ויסעו בני-ישראל, מרעמסס; ויחנו, בסכת.
 33,6 ויסעו, מסכת; ויחנו באתם, אשר בקצה המדבר.
 33,7 ויסעו, מאתם, וישב על-פי החירת, אשר על-פני בעל צפון; ויחנו, לפני מגדל.
 33,8 ויסעו מפני החירת, ויעברו בתוך-הים המדברה; וילכו דרך שלשת-ימים, במדבר אתם, ויחנו, במרה.
 33,9 ויסעו, ממרה, ויבאו, אילמה; ויבאילים שתים עשרה עינת מים, ושבעים תמרים--ויחנו-שם.
 33,10 ויסעו, מאילים; ויחנו, על-ים-סוף.
 33,11 ויסעו, מים-סוף; ויחנו, במדבר-סין.
 33,12 ויסעו, ממדבר-סין; ויחנו, בדפקה.
 33,13 ויסעו, מדפקה; ויחנו, באלוש.
 33,14 ויסעו, מאלוש; ויחנו, ברפידים, ולא-היה שם מים לעם, לשותות.
 33,15 ויסעו, מרפידים; ויחנו, במדבר סיני.
 33,16 ויסעו, ממדבר סיני; ויחנו, בקברת התאוה.
 33,17 ויסעו, מקברת התאוה; ויחנו, בצצרת.
 33,18 ויסעו, מצצרת; ויחנו, ברתמה.
 33,19 ויסעו, מרתמה; ויחנו, ברמן פרך.
 33,20 ויסעו, מרמן פרך; ויחנו, בלבנה.
 33,21 ויסעו, מלבנה; ויחנו, ברסה.
 33,22 ויסעו, מרסה; ויחנו, בקהלתה.
 33,23 ויסעו, מקהלתה; ויחנו, בהר-שפר.
 33,24 ויסעו, מהר-שפר; ויחנו, בחרדה.
 33,25 ויסעו, מחרדה; ויחנו, במקלהלת.
 33,26 ויסעו, ממקלהלת; ויחנו, בתחת.
 33,27 ויסעו, מתחת; ויחנו, בתרח.
 33,28 ויסעו, מתרח; ויחנו, במתקה.
 33,29 ויסעו, ממתקה; ויחנו, בחשמנה.
 33,30 ויסעו, מחשמנה; ויחנו, במסרות.
 33,31 ויסעו, ממסרות; ויחנו, בבני-יעקן.
 33,32 ויסעו, מבני-יעקן; ויחנו, בחר הגדוד.



- 33,33 ויסעו, מחר הגדגד; ויחנו, ביטבתה.
- 33,34 ויסעו, מיטבתה; ויחנו, בעברנה.
- 33,35 ויסעו, מעברנה; ויחנו, בעצין גבר.
- 33,36 ויסעו, מעצין גבר; ויחנו במדבר-צן, הוא קדש.
- 33,37 ויסעו, מקדש; ויחנו בהר הקר, בקצה ארץ אדום.
- 33,38 ויעל אהרן הכהן אל-הר הקר, על-פי יהוה--וימת שם: בשנת הארבעים, לצאת בני-ישראל מארץ מצרים, בחדש הקמישי, באחד לחדש.
- 33,39 ואהרן, בן-שלוש ועשרים ומאת שנה, במתו, בהר הקר. {ס}
- 33,40 וישמע, הכנעני מלך ערד, והוא-ישב בנגב, בארץ כנען--בבא, בני ישראל.
- 33,41 ויסעו, מהר הקר; ויחנו, בצלמנה.
- 33,42 ויסעו, מצלמנה; ויחנו, בפון.
- 33,43 ויסעו, מפון; ויחנו, באבת.
- 33,44 ויסעו, מאבת; ויחנו בעיי העברים, בגבול מואב.
- 33,45 ויסעו, מעיים; ויחנו, בדיבן גד.
- 33,46 ויסעו, מדיבן גד; ויחנו, בעלמן דבלתימה.
- 33,47 ויסעו, מעלמן דבלתימה; ויחנו בקרי העברים, לפני גבו.
- 33,48 ויסעו, מקרי העברים; ויחנו בערבת מואב, על-ירדן ירחו.
- 33,49 ויחנו על-הירדן מבית הישמת, עד אבל השטים, בערבת, מואב. {ס}
- 33,50 וידבר יהוה אל-משה, בערבת מואב, על-ירדן ירחו, לאמר.
- 33,51 דבר אל-בני ישראל, ואמרת אליהם: כי אתם עברים את-הירדן, אל-ארץ כנען.
- 33,52 והורשתם את-כל-ישיבי הארץ, מפניכם, ואבדתם, את כל-משפחתם; ואת כל-צלמי מסכתם תאבדו, ואת כל-במותם תשמידו.
- 33,53 והורשתם את-הארץ, וישבתם-בה: כי לכם נתתי את-הארץ, לרשת אתה.
- 33,54 והתנחלתם את-הארץ בגורל למשפחתים, לרב תרבו את-נחלתו ולמעט תמעט את-נחלתו--אל אשר-יצא לו שמה הגורל, לו יהיה: למטות אבותיכם, תתנחלו.
- 33,55 ואם-לא תורישו את-ישיבי הארץ, מפניכם--והיה אשר תותירו מהם, לשכים בעיניכם ולצנינם בצדיכם; וצרו אתכם--על-הארץ, אשר אתם ישיבים בה.
- 33,56 והיה, באשר דמיתי לעשות להם--אעשה לכם. {פ}